



■ КОНЧИЛАР БИЛАН УЧРАШУВ

МАМЛАКАТИМИЗ ИҚТИСОДИЁТИНИНГ МУҲИМ ТАЯНЧИ

Тахририятимиз ходимлари кончилар ҳузурида

«Кейинги даврда комбинатимиз корхоналарига жаҳон тажрибасида ўхшаши йўқ технологиялар жорий этилди. Корхона олтин ва уран ишлаб чиқариш бўйича жаҳондаги энг етакчи компаниялардан бирига айланди. Давлатимизнинг юксак мукофоти «Дўстлик» орденига сазовор бўлди. Бу муҳандис-техник ходимларимизнинг, ишчиларимизнинг фидокорона меҳнатлари, тинимсиз изланишлари, доимий равишда янгиликка интилишлари натижасидир».



Янгиликлар,
Хушxabарлар,
Бунёдкорликлар...

Вилоят ҳокими университет жамоаси билан учрашди

Самарқанд давлат университетида бўлиб ўтган учрашувда вилоят ҳокими Зойир Мирзаев Президент Ислам Каримовнинг Вазирлар Маҳкамаси мажлисидаги маърузасида илгари сурилган устувор вазифаларга тўхтади.

Бу ҳақда Самарқанд вилоят ҳокимлиги расмий сайти хабар бермоқда.

Шунингдек, ҳоким талаба-ёшлар ва профессор-ўқитувчилар мамлакатимизда амалга оширилаётган ислохотларни аҳолига етказишда ташаббускор бўлиши лозимлигини алоҳида таъкидлади. Учрашувда вилоят ҳокими талабаларнинг таклиф ва мулоҳазаларини эшитди. Уларнинг саволларига атрофлича жавоб қайтарди.

Бундай учрашувлар вилоятдаги бошқа олий ўқув юртлирида ҳам ўтказилади.

Самарқанд

25 мингдан зиёд коллеж битирувчисининг бандлиги таъминланди

2014-2015 ўқув йилида Бухоро вилоятидаги 80 касб-хунар коллежини 114 мутахассислик бўйича 25678 нафар ёш тугаллади. Улардан 25623 нафарининг бандлиги таъминланди. Шундан 1368 нафар битирувчи олий таълим муассасаларига ўқишга, 24255 нафари эса корхона ва ташкилотларга 3 томонлама шартнома асосида ишга қабул қилинди. Бу ҳақда «Бухоронома» газетаси сайти хабар бермоқда.

Шу ўринда айтиш жоизки, вилоятда 16773 нафар битирувчи айнан ўз мутахассислиги бўйича ишга жойлаштирилди.

Тижорат банклари томонидан тадбиркорлик билан шуғулланиш истagini билдирган 882 нафар битирувчига 9,9 миллиард сўм имтиёзли кредит ажратилди. Бундай имкониятга эга бўлган битирувчилар чорвачилик, паррандачилик, савдо, ишлаб чиқариш ва хизмат кўрсатиш каби иқтисодийнинг турли бўғинларида ўз ишларини йўлга қўймоқда.

Бухоро

Солиқ тўловчилар учун имтиёзлар

Вилоят Тадбиркорлар марказида вилоят Давлат солиқ бошқармаси ташаббуси билан 400 дан ортиқ корхона ва ташкилот раҳбарлари, бош ҳисобчилари иштирокда семинар бўлиб ўтди. Бу ҳақда «Фаргона ҳақиқати» газетаси сайти хабар бермоқда.

Семинарда Ўзбекистон Республикасининг 2015 йил 31 декабрдаги «Солиқ ва бюджет сиёсатининг 2016 йилга мўлжалланган асосий йўналишлари қабул қилинганлиги муносабати билан Ўзбекистон Республикасининг Солиқ кодексига ўзгартиш ва қўшимчалар киритиш тўғрисида»ги Қонуни билан амалдаги Солиқ кодексига киритилган ўзгартишлар ҳақида батафсил маълумот берилди.

Фаргона

■ ЎзХДП ЖАМОАТЧИЛИК ҚАБУЛХОНАЛАРИДА

ЎзХДП минтақавий кенгашлари қошидаги Жамоатчилик қабулхоналарига ўтган йили 9300 дан зиёд мурожаат бўлган. Бу 2014 йилга нисбатан 1995 тага кўпдир. Шу ўринда савол туғилади: хўш, аҳоли, партия электорат вакиллари кўпроқ қайси масалаларда мурожаат қиляпти? Мурожаатлар асосида қандай чора-тадбирлар кўриломоқда? Партия Марказий Кенгаши сектор мудири Дурбек Худойкулов билан шулар хусусида суҳбатлашдик.

Мурожаатлар хилма-хил

мақсад эса битта — уларни ҳал этиш

— Аввало, таъкидлаш кераки, Жамоатчилик қабулхоналаридан кўзланган мақсад электорат вакиллари уйлантираётган муаммоларни ўрганиш, уларнинг келиб чиқиш сабабларини таҳлил қилиш ҳамда ечим топишдан иборат — дея таъкидлади у. — Шу нуқтан назардан олиб қаралса, Жамоатчилик қабулхоналарига бўлаётган мурожаатлар асосан ижтимоий-иқтисодий соҳаларга оид масалаларда эканини кўриш мумкин.

► Давоми 2-бетда.

■ ЎзХДП МАҲАЛЛИЙ КЕНГАШЛАРИДА

ПАРТИЯ ТАШКИЛОТЛАРИ ВА ГУРУҲЛАРИ

маҳаллий ОАВ билан ҳамкорликни кучайтирмоқда

ЎзХДП Хоразм вилоят кенгаши маҳаллий оммавий ахборот воситалари вакиллари учун матбуот анжумани ўтказди.

Ўзбекистон ХДП вилоят кенгаши раиси, халқ депутатлари вилоят Кенгашидаги гуруҳ раҳбари Раимбергян Сабуров журналистларга вилоят партия ташкилотлари, депутатлик бирлашмалари фаолияти юзасидан муфассал ахборот берди. Шу билан бирга, жорий йилга мўлжалланган режалар ҳақида тўхтади. Жумладан, вилоят, шаҳар ва туман партия кенгашлари ўтган йили «Кексаларимизнинг фаровон ҳаёти учун масъулмиз», «Ижтимоий химоядан — ижтимоий фаоллик сари» каби лойиҳалар доирасида қилинган ишлар, шунингдек, касб-хунар коллеж-

лари битирувчиларини иш билан таъминлаш бўйича ўтказилган мониторинг натижалари, аввало, электоратимиз манфаатларига хизмат қилишини таъкидлади. 2015 йилда маҳаллий Кенгашлардаги депутатларнинг фаолияти бир қадар ошди. Доимий комиссияларда муҳим масалалар муҳокама қилиниб, уларнинг бир нечтаси маҳаллий Кенгашлар сессияларига киритилиб, қарорлар қабул қилинди. Шу билан бирга, қарорлар ижросини таъминлашга қаратилган ишлар амалга оширилди.

► Давоми 2-бетда.

■ ҚАРОР ВА ИЖРО

■ Президентимиз тақдирномасига мувофиқ, Олий Мажлис Сенатининг «Ўзбекистон Республикаси Конституцияси қабул қилинганлигининг йигирма уч йиллиги муносабати билан амнистия тўғрисида»ги қароридан аёлларни, вояга етмаганларни, 60 ёшдан ошган эркекларни, чет давлатларнинг фуқароларини, шунингдек, бир қатор бошқа тоифадаги маҳкумларни жавобгарликдан ва жазодан озод қилиш назарда тутилган.

ИНСОНПАРВАРЛИКНИНГ ЁРҚИН ИФОДАСИ

Маълумки, амнистиянинг моҳиятида инсонпарварлик, кечиримлик, бағрикенглик каби тушунчалар ётади. Мустақиллик йилларида қабул қилинган амнистияларнинг маъно-мазмунига эътибор қаратадиган бўлсак, асосан аёллар, вояга етмаганлар, кекса ёшлар, биринчи марта жиноят содир этган шахслар жазодан озод қилиниб келинмоқда. Жиноят ва бошқа турдаги ҳуқуқбузарликни содир этган шахслар жазодан тўла ёки қисман озод этилади, тайинланган жазо тури енгилроғи билан алмаштирилади.

Жаҳон амалиётини таҳлил қилиш шунини кўрсатадики, ҳамма давлатларда ҳам амнистия қабул қилиш қончилиқда белгиланмаган, айримларида эса белгиланган бўлса-да, 10-20 йилда бир қабул қилинади. Бизда эса мамлакатимиз Конституциясининг муқаддимасида айтиб ўтилган инсонпарварлик тамойилларига изчил амал қилиб келинмоқда.

Айни кунларда мамлакатимизнинг барча ҳудудларида бўлгани каби Тошкент вилоятида ҳам амнистия тўғрисидаги қарор ижросини таъминлаш бўйича бир қатор ишлар амалга оширилмоқда.

Шу ўринда айрим мисолларни келтириб ўтсак.

Тўхтамураод Нарзикулов ўтган йилнинг сентябрида автомашина ҳайдаб кетаётганида, эҳтиётсизлик туфайли қондабузарлик содир этиб, «Дамас» автомашинаси билан тўқнашиб кетади. Натижада йўловчилардан бири жароҳатланиб, шифохонага ётқизилади. Суд унинг 60 ёшдан ошгани, қилган жиноятига чин кўнгилдан пушаймон эканини ҳисобга олиб, амнистия актини қўлади. Шунингдек, жиноят ишлари бўйича Чирчиқ шаҳар суди томонидан амнистия акти қўлланилиб, Серик Икромов, Равшан Ҳасанов, Лобарқон Соҳибова, Иззат Маҳаммадалиев, Сардор Турсуналиев каби фуқаролар давлатимизнинг инсонпарварлиги, кечиримлиги туфайли ўз оилалари, фарзандлари бағрига қайтди.

Амнистия қанчадан-қанча оилаларга қувонч келтирмоқда. Адашганларга эса ҳаётда ўз ўрнини топиб олишига имкон бермоқда. Фақат бундай кечиримлиқнинг, инсонпарварлиқнинг қадрига етиш керак бўлади.

Шавкат САТТОРОВ,
жиноят ишлари бўйича
Чирчиқ шаҳар суди
судьяси.

141 тиббиёт муассасасини қуриш, реконструкция қилиш, капитал таъмирлаш ва жиҳозлаш учун қарийб **500** миллиард сўм маблағ сарфланди.

2015 йилда

2015 йилда ХАЛҚ ДЕПУТАТЛАРИ САМАРҚАНД ВИЛОЯТ, ТУМАН ВА ШАҲАР КЕНГАШЛАРИДАГИ ЎзХДП ГУРУҲЛАРИ АЪЗОЛАРИ ТОМОНИДАН ТЕГИШЛИ ТАШКИЛОТ ВА ИДОРАЛАРГА 205 ДЕПУТАТЛИК СЎРОВИ ЮБОРИЛДИ.

ҚОРАҚАЛПОФИСТОН РЕСПУБЛИКАСИ, ВИЛОЯТЛАР ВА ТОШКЕНТ ШАҲРИ БЎЙИЧА ЖАМОАТЧИЛИК ҚАБУЛХОНАЛАРИГА БАНҚАН КРЕДИТ ОЛИШ МАСАЛАСИДА 548 МУРОЖААТ БЎЛДИ. УЛАРНИНГ БАРЧАСИГА АМАЛИЙ ЁРДАМ КЎРСАТИЛДИ, ЮРИДИК МАСЛАҲАТ БЕРИЛДИ.

ХАЛҚ ДЕПУТАТЛАРИ ХОРАЗМ ВИЛОЯТ, ТУМАН ВА ШАҲАР КЕНГАШЛАРИДАГИ ЎзХДП ГУРУҲЛАРИДА 29 МАСАЛА, ДОИМИЙ КОМИССИЯЛАРДА 14 МАСАЛА КЎРИБ ЧИҚИЛДИ. 6 МАСАЛА СЕССИЯГА КИРИТИЛИБ, ТЕГИШЛИ ҚАРОРЛАР ҚАБУЛ ҚИЛИНДИ.

ЎзХДП: ФАКТ ВА РАҚАМЛАР

ХАЛҚАРО ҲАМКОРЛИК

■ Халқ таълими вазирлиги томонидан чет тилини ўқитиш тизимига замонавий ва илғор тажрибаларни жорий этиш мақсадида келгусида ҳам бу каби ҳамкорлик алоқалари давом эттирилади.

ЯНГИЛИКЛАР

**Фафур Фулом
БОҒИ**
күёш энергияси
ёрдамида ёритилади

Тошкентдаги Фафур Фулом боғи фотозлектр станциялар билан жиҳозланади. Лойиҳа Тошкент шаҳар табиатни муҳофаза қилиш қўмитасининг жорий йилдаги тадбирлар режасига киритилган. Бу ҳақда мазкур қўмита раиси Шомурод Мухамеджанов «Газета.uz» сайтига берган интервьюсида маълумот берган.

— Пойтахтимиз аҳолиси ва меҳмонларининг энг сезимли маканларидан бўлган мазкур истироҳат боғи жуда кўп чироклар ва аттракционлар билан жиҳозлангани, уларнинг ҳаммаси электр энергияси билан ишлайди, — дейди Шомурод Мухамеджанов. — Янги фотозлектр қурилманинг ўрнатилиши натижасида истироҳат боғи ҳудуди күёш энергияси орқали ёритилади.

Франция

ЭЛЧИХОНАСИ
ўқувчилар ўртасида
театр фестивали
ўтказилади

Франциянинг Ўзбекистондаги элчихонаси Халқ таълими вазирлиги, Олий ва ўрта махсус таълим вазирлиги ҳамда Ўзбекистон ёшлар театри билан ҳамкорликда 2016 йил 15—16 апрель кунлари мактаб, коллеж ва лицей ўқувчилари ҳамда талабалар учун мўлжалланган франкофон театр фестивалини ташкил этади. Бу ҳақда элчихона матбуот хизмати хабар бермоқда.

Фестивалда иштирок этувчи артистлар ёши 12 дан 22 ёшгача бўлиши, ҳар бир труппа кўли билан 7 артистдан иборат бўлиши лозим. Фестивалда 20 труппа иштирок этиши мўлжалланган.

Труппалар учта туркумга бўлинган ҳолда ўз асарларини намойиш этади: 12—15 ёшлар, 15—18 ёшлар ва 18—22 ёшлар. Ҳар бир спектакль 10 дақиқадан 20 дақиқача давом этади. Фестиваль Тошкент театрларидан бирида бўлиб ўтади.

Фестиваль якунлари бўйича француз ва ўзбек мутахассисларидан иборат ҳакамлар ҳайъати томонидан 10 мукофот тақдим этилади.

Тошкент

**ҲАЙВОНОТ
БОҒИ**
яна бойитилди

Тошкент ҳайвонот боғига янги ҳайвонлар — қулонлар, Пржевальский отлари, Бухоро тоғ кўйлари ва жайронлар олиб келинди. Бу ҳақда Тошкент ҳайвонот боғи матбуот хизмати хабар бермоқда.

Юртимиз ҳайвонот оламининг ушбу жонзотлари шу кунгача ёввойи табиатда яшаган бўлиб, уларнинг сони тобора камайиб бормоқда.

Айни пайтда улар ҳайвонларнинг ноёб турларини кўпайтириш билан шуғулланувчи Бухородаги питомник — «Жайрон» экомарказида кўпайтирилмоқда.

Ўзбекистонлик инглиз тили фани ўқитувчилари

Буюк Британияда малака оширишди

Мамлакатимиз миқёсида ўтказилган «Йилнинг энг яхши чет тили ўқитувчиси» кўрик-танловининг ғолиби бўлган 42 нафар инглиз тили фани ўқитувчиси шу йилнинг 8-22 январь кунлари Буюк Британиянинг нуфузли олий ўқув юрғларида малака ошириб қайтди. Бу ҳақда Халқ таълими вазирлиги матбуот хизмати хабар бермоқда.

Президентимизнинг Чет тилларни ўрганиш тизимини янада такомиллаштириш чора-тадбирлари тўғрисидаги қарори ижросини таъминлаш, чет тили ўқитувчилари учун тил муҳитини яратиш, хорижий тилларни эгаллашнинг умумевропа компетенцияси тизими талаблари асосида ўқитишнинг замонавий услубларини ўрганиш мақсадида ўзбекистонлик инглиз тили фани ўқитувчилари Буюк Британиянинг «St. Mark & St. John» университетидан хизмат сафарига бўлди.

Ўзбекистон Республикаси Халқ таълими вазирлиги ва Буюк Британиянинг «St. Mark & St. John» университети ўртасида тузилган икки томонлама шартнома асосида ташкил этилган ушбу ишлар

ўзининг қутилган натижаларини берди. Буюк Британиянинг Девон графлиги, Плимут шаҳри яқинида жойлашган нуфузли «St. Mark & St. John» университети ўқитувчиларни қайта тайёрлаш дастурлари бўйича машҳур олий таълим муассасаларидан бири ҳисобланади. Бу даргоҳга дунё мамлакатларидан малака ошириш учун кўплаб тингловчилар ташриф буюради. Университетнинг маҳаллий бошланғич ва умумтаълим-мактаблари билан ўзаро алоқалари мустақкам йўлга қўйилган.

Машғулотларни Сара Эйчстон, Бренден Нобель, Жон Фриман, Майкл Холл, Кэти Салисбери, Кэси Пиклес каби тажрибали мутахассислар олиб боради.



Тажриба алмашиш давомида ўзбекистонлик ўқитувчилар учун дарс ўқишнинг турли усуллари, кичик гуруҳларда ишлаш, ўқитишнинг коммуникацион методлари, муаммоли вазиятларда қай тарзда мулоқотга киришиш, зарур ибора ва кўргазмаларни чиқишлар асосидан машғулотлар ўтказилди.

Шунингдек, Плимут шаҳридаги тил ўргатиш марказлари

ва мактабларга сафар уюштирилиб, ўзбек маданияти ва урф-одатлари, ҳамда мамлакатимиз таълим тизими борасида тақдимот маросимлари ўтказилди.

Ўқувлар якунида барча иштирокчиларга сертификатлар берилди. Энди улар таянч мактаблар базасида чет тили ўқитувчилари учун жорий йилнинг март-декабрь ойларида ўтказиладиган ўқув-

семинарларда тренер сифатида иштирок этиб, хорижда олган билим ва кўникмаларини ҳамкасбларига ўргатади.

Халқ таълими вазирлиги томонидан чет тилини ўқитиш тизимига замонавий ва илғор тажрибаларни жорий этиш мақсадида келгусида ҳам бу каби ҳамкорлик алоқалари давом эттирилади.

Темур АбЪЗАМ тайёрлади.

СПОРТ

Бельгиянинг Антверпен шаҳрида сузиш бўйича ўтказилган халқаро турнирда ҳамюртимиз Раънохон Омонова 400 метр масофага комплекс усулда сузиш мусобақасида марра чизигига 4.40.71 сонияда етиб келиб, XXXI ёзги Олимпия ўйинлари йўлланмаси учун белгиланган меъёрни бажарди. Бу ҳақда Ўзбекистон Миллий Олимпия қўмитаси матбуот хизмати хабар бермоқда.

Йўлланмалар сони ортиб борапти

Шу тариқа, Раънохон «Рио — 2016» Олимпия ўйинларида икки йўналиш бўйича ўтказиладиган мусобақаларда қатнашиш ҳуқуқини кўлга киритди.

Эслатиб ўтамиз, тажрибали спортчимиз 2015 йилнинг 2-3 ноябрь кунлари Қатар пойтахти Доҳада ўтказилган халқаро Гран-при турнирида 200 метр масофага комплекс усулда сузиш мусобақаларида муваффақиятли иштирок этган ва Бразилиянинг Рио-де-Жанейро шаҳрида ўтказиладиган Олимпия ўйинлари йўлланмаси учун белгиланган меъёрни бажарган эди.

Мамлакатимиз спортчиларининг «Рио — 2016» ўйинларида кўлга киритган йўлланмалари сони 52 тага етди. Шундан 24 таси паралимпиячиларимизга тегишли.

Шаҳбоз САИДОВ

РЕКЛАМА

AGROBANK

“Moody's”

халқаро рейтинг агентлиги 2016 йил 1 февралда

“Агробанк”

акциядорлик тижорат банкининг халқаро рейтингини

“Барқарор”

деб баҳолади

www.agrobank.uz Хизматлар лицензияланган.

ЮКСАК МАЪНАВИЯТ — ЕНГИЛМАС КУЧ

Томошабинлар мамнун

Ўзбекистон Республикаси Маданият ва спорт ишлари вазирлиги ташаббуси билан Ватанимиз мустақиллигининг 25 йиллиги олдидан пойтахтимиз театрлари жамоаларининг юртимиз бўйлаб ижодий сафарлари ташкил этилмоқда.

Ўзбек давлат драма театри жамоаси Жиззах вилоятида «Отасининг қизи» спектаклини намойиш этади. Асосий ролларни Азиза Бегматова, Жумадилла Раветов, Доно Бобонова, Хошим Арслонов каби таниқли актёрлар ижро этган спектаклни жаззахлик санъат илҳосмандлари катта қизиқиш билан кутиб олди.

Театр жамоаси ижодий сафар давомида санъат мухлислари билан учрашувлар ва давра суҳбатлари ўтказди. Тадбирларда Президентимиз раҳнамолигида театр санъатини ривожлантириш борасида изчил ишлар амалга оширилиб, аҳолининг бўш вақтини мазмунли ташкил этиш мақсадида жойларда маданият саройлари фаолиятини янада яхшилашга алоҳида эътибор қаратилган таъкидланди.

Т.БЕКНАЗАРОВ,
ЎзА муҳбири.

AVTOSALON

«SARDOR AVTO INVEST»

ZAZ

ZAZ Forza
Дв.: 109 л.с.
Бензин / газ

LADA

Нива бизнес-пикап, 4X4
Дв.: 80,92 л.с. - Бензин / газ

ТАҲВИЛ ТУРИ: НАҚД, ТЕРМИНАЛ, ПУЛ ЎТЎЗАШИШ, КРЕДИТ, ЛИЗИНГ

Манзил: Тошкент ш., Амир Темур шоҳ кўчаси, 110-уй.
Мўлжал: Телевизион минора қаршида.
Телефонлар: (+998 71) 212-08-70, (+998 95) 177-01-17, (+998 95) 194-34-51.
www.sardor-avto.uz

Маҳсулотлар сертификатланган
Хизматлар лицензияланган

MUASSIS:



ЎЗБЕКISTON
ХАЛҚ ДЕМОКРАТИК
ПАРТИЯСИ
МАРКАЗИЙ КЕНГАШИ

Bosh muharrir: **Safar OSTONOV**

ТАХРИР ҲАЙ'АТИ:

Abdulla ORIPOV
Hotamjon KETMONOV
Uljug'bek VAFOYEV
Rustam KAMILOV

Uljug'bek MUSTAFOYEV
Muslihidin MUHIDDINOV
Ochilboy RAMATOV

Saidahmad RAHIMOV
Farrux HAMROYEV
(Bosh muharrir birinchi o'rinbosari)
Tat'yana KISTANOVA
(Bosh muharrir o'rinbosari)

Qabulxonа — 233-65-45

Xatlar va murojaatlar uchun — 233-12-56
E-mail: info@uzbekistonovozi.uz

MANZILIMIZ:
100000, Toshkent,
Matbuotchilar
ko'chasi, 32-uy.

Gazeta O'zbekiston Matbuot va axborot agentligida 0006-raqam bilan 2007-yil 11-yanvarda ro'yxatga olingan.

«Sharq» nashriyot-matbaa aksiyadorlik kompaniyasi boshmaxonasida chop etildi.
Korxonа manzili: Buyuk Turon ko'chasi, 41-uy.
Gazeta ofset usulida, A-2 formatida bosildi. Hajmi — 2 bosma taboq.

Gazeta seshanba, payshanba va shanba kunlari chiqadi.
«O'zbekiston ovozi» materiallarini ko'chirib bosish faqat tahririyat ruxsati bilan amalga oshiriladi.

Г — 259
17683
nuxxada
bosildi.

Nashr ko'rsatkichi — 220
t — Tijorat materiallari
O'zA yakuni — 20.40
Topshirilgan vaqt — 00.35

Sotuvda kelishilgan narxda

Navbatchi:
Ravshan SHODIYEV
Sahifalovchi-dasturchilar:
Zafar BAKIROV
Behzod ABDUNAZAROV



1 2 3 5 6